

3

**ORDINARIUS**  
**SENIOR ET RELIQUI DOCTORES**  
**COLLEGII IVRIDICI**  
**NOBILISSIMO AC PRAECLARISSIMO**  
**CHRISTIANO LVDOVICO**  
**STIEGLITZIO**

**LIPSIENSI**  
**HONORES IN IVRE SVMMOS**

**D. XXVIII. IVLII MDCCXLVII.**

**COLLATOS**  
**INDICVNT.**



**THE UNIVERSITY OF CHICAGO**



**Q**ui de coercenda litium prolixitate, Iudici  
aeque ac Creditori molesta, iurgiorum-  
que forensium ambagibus rescandis  
ambitiosè laborant cordatiores Iustitiae sacerdotes, de  
remediis huic malo inveniendis aliter atque aliter sen-  
tiunt. Alii religionem iurisiurandi, alii immiſſionem in  
possessionem, alii multam a contumace exigendam,  
alii poenam suadent, variisque argumentis propu-  
gnant, pauci emendam, aequissimum tamen modum,  
cogitant, commendant.

In qua dissentientium turba duplex quoque est  
Iurisprudentum familia, qui de eo in partes contra-  
rias disputant: Vtrum tempora legibus statuta, quae  
fatalia appellamus, processum causarum forensium  
magis promoueant, an potius retractent; adeoque  
illi, qui dies fatales ad terminandas lites quam ma-

#### IV

xime conducere et iustitiae satellites agere credunt, horum numerum augendum esse censent, cum contra reliqui, primam disputationis litigiosae originem a fatalibus esse, et partes, turbato quasi ordine, missa causa principali ad incidentes res deflectere, eoque ipso nouis litibus ansam praebere, existimantes, terminos omnes peremptorios, qui forum turbant, antiquandos esse clamitare soleant. Vtramque sententiam Carneadeam, ut Tullii verbo utamur, videri, agnoscimus. Multum quidem interest, pauca habere fatalia, et Iure Consultorum dissensum circa illa et formam processus tollere. Et tamen temporibus istis, quibus actus iudiciales intra metas suas continentur, prorsus carere vix possumus. Quam diu, quamque multum disceptari soleat super desertione probationis, instrumentorum, testium, remedii suspensui aut deuolutiui, saepius maiori cum temporis et argenti, quam ipsius causae damno, res loquitur ipsa, loquuntur acta forensia, ad concipiendas sententias Dicasteriis transmissa. Ut alia taceamus exempla, haud ita pridem nobis pugna forensis oblata fuit de eo: An tempus probationi praescriptum continuum sit et exclusiuum, ita, ut vltimum eius momentum in diem feriatum incidens peremptorii quid contineat, an vero iussa probatio sequenti die Iuridico quasi in tempore exhibita sit admittenda? Sententiam hanc posteriorem rationibus atque

V  
 atque argumentis quamplurimis defendi posse ex  
 mente illorum, qui id, quod aequius est, amant, vi-  
 deamus. Primum enim, quod caput est, religio fe-  
 storum dierum, et eius praecipue, qui vnus cuiusque  
 septimanae primus atque dominicus est, iustitiam  
 aliquod, et quietem iuridicam imperare videtur, vt,  
 excepto necessitatis casu, in hisce feriis, Numini Di-  
 uino dicatis, omnis actus iudicialis, et quaecunque  
 opera forensis, in cuius numerum, si verum fateri  
 volumus, et causae patroni in delineandis ac for-  
 mandis articulis labor, et horum procuratio mercena-  
 ria, et inscriptio iudicialis haud dubie referenda sunt,  
 cessare debeat. Grauiissima Rescripti Imperatorum  
 LEONIS ET ANTHEMII verba refert *Lex fin. C. de*  
*Feriis.* „Dies festos maiestati altissimae dedicatos  
 „nullis volumus voluptatibus occupari, nec vllis ex-  
 „actionum vexationibus profanari. Dominicum ita-  
 „que diem semper honorabilem decernimus vene-  
 „randum, vt a cunctis executionibus excusetur:  
 „nulla quemquam vrgeat admonitio: nulla fideiussio-  
 „nis flagitetur exactio, taceat apparitio, aduocatio  
 „delitescat, sit ille dies a cognitionibus alienus, prae-  
 „conis horrida vox filescat, respirent a controuersiis  
 „litigantes, habeant foederis interuallum, simul ad se  
 „veniant aduersarii non timentes etc. Amissionem  
 „militiae proscriptionemque patrimonii sustinebit si  
 „quis vnquam hoc die festo spectaculis interesse, vel

## VI

„cuiuscunque Iudicis apparitor praetextu negotii pu-  
 „blici seu priuati haec, quae lege hac statuta sunt,  
 „crediderit temeranda. Lex vero moralis aeterna  
 et immutabilis diem Sabbathi sanctificare, et ab  
 omnibus profanis operibus et negotiis acquiescere  
 iubet. Quod si autem iudicium die solis et festo  
 est clausum, nec copia Iudicis haberi poterit, lau-  
 dabilis haec absentia legitimam praebet excusatio-  
 nem morae vel culpa, eiusque coercitionis, quae est  
 probationis dispendium. *CARPZ. Proc. Tit. XIII.  
 Art. 1. n. 107. 176.* adeoque facto iudicis vel partis im-  
 peditus actor probaturus legitimum impedi-  
 tum recte allegat. *NICOLAI Proc. cap. 48. §. 13.  
 n. 5. et ex sententia Iureconfulti IULIANI in L.  
 26. §. 5. ff. Ex quibus causis maiores 25. annis in in-  
 tegr. rest.* hi dies restituendi sunt, quibus actor age-  
 re voluit, et interuentu feriarum impeditus est.

Porro probationis magnus est fauor, imo ma-  
 ximus, adeoque in dubio magis pro illa admitten-  
 da quam remouenda est laborandum *L. 12. §. fin. C.  
 de Haeret. et Manich.* *ANTON. de POSSENTIBVS  
 Singul. XLI. n. 4. CCXXXVII. n. 2.* et acquitati ali-  
 quid tribuendum, quando actor probans aliquam  
 causam praetendit, vel in principali causa bono vti-  
 tur iure litigandi, quod ne periclitetur iudex beni-  
 gnus providere debet, *MASCARD de Probat. Vol. I.  
 Concl. CXVI. n. 1.* quid quod termini peremptorii  
 omni-

omnibus sint odio prope nouercali, ob iniquitatem iacturae et poenam, quae inaequali lance distribuitur. Hoc amplius in Arbitrio Iudicis est, iusta ex causa poenam in contumaces, aut negligentes constitutam temperare, imo penitus remittere, et in locum poenae culpa maioris, mitiorem aliam, restitutionem puta expensarum, surrogare. CARPZ. *Proc. Tit. IIX. Art. V. n. 45.* Praeterea licet ex cerebrina aequitate a iure scripto recedendum non sit, ex altera tamen parte, cum euident est aequitas, verba legum pressius sequendo contra Legislatoris intentionem et mentem agere nonnunquam Index potest. Is enim generali constitutione Imperatoria L. 8. C. de Iudiciis, sancit, in omnibus rebus praecipuam esse debere iustitiae, aequitatisque scriptae, quam stricti iuris rationem. DN. DE LEYSER. *Medit. ad Dig. VI. Spec. III. p. 28.* Nullum autem aequum bonumque colendi magis opportunum tempus apparet, quam sicubi de solennibus negotiorum forensium diebus oritur disceptatio, et lites ex litibus surgunt, fide quotidianae experientiae. Ignoscenda quoque Iudici est denegatio, qui tempore feriarum copiam sui neque in Praetorio, neque in aedibus priuatis facere, aut in recipiendis, signandisque libellis, quae aliorum solet esse licentia, strepitum admittere, sed omni diei dominicae hora sibi ipsi, piaque meditationi vacare amat.

Iam

Iam vero illi, qui absente Iudice eius copiam habere non potest, nec culpa nec impedimentum, imputanda sunt, si quando ultimum temporis concessi momentum, die feriato infructuosum expirat, qui exitus fatalis ne quidem asseri poterit ex eo, quod licet tempus fatalium peremptorium sit atque continuum, nec, qui in medio cursu obueniunt dies feriatum illum fistant, alia tamen ratio esse videtur in Termino ad quem, et quidem terminatio, quod aiunt; ubi certe, dies finalis ut sit iuridicus, ad actum expediendum requiritur. Quemadmodum enim in toto tempore utili singuli dies utiles esse debent, ut agi possit, satisque ducitur, si tantum temporis ultimi superest quo agi queat, *L. 10. ff. de verborum oblig.* ita non imputari potest litiganti, si primis diebus temporis continui non egit, modo tantum habeat spatii, ut in ultimo eius puncto adhuc agendi facultas et occasio adsit, quae eleganter, ut solet, disputat Professor Regius ALB. GENTILIS *de diuersis Temp. appellat. cap. XIV.*

Quamobrem ultimum hunc termini probatorii articulum in sequentem diem iuridicum transmitti ex eadem ratione contendunt, qua argumento Textus Iuris Canonici in *Capit. VI. X. de Dolo et Contum.* ad diem dominicum aliumque feriatum citatus proximo die non feriato comparere tenetur, quod usus fori in quibusdam Iudiciis comprobatur,



BRUNNEM. *Proc. Civ. cap. 6. n. 22.* STRYCK *Vfus Mod. ad Dig. L. II. Tit. XII. §. 9.* MEV. *P. II. Decif. 276.* et eiusdem iuris autoritate, qui prouocauit elapfo etiam decem dierum tempore fatali, auditur modo non habuerit copiam adeundi Iudicem, a quo provocatur, aut eius, ad quem appellatio dirigenda, ad illius libellum exhibendum. MARTINI *Comm. ad Ord. Proc. Tit. X. §. 6. n. 160.* MYNSING. *cent. II. obf. II. n. 2.* Accedit in Saxonia Electorali LEGISLATORVM SERENISSIMORVM certa voluntas, qui in plurimis fatalium temporibus dies feriatos, et eos, quibus vel Iudicis vel partis aduersae facto, vel alio legitimo impedimento mora iniicitur, in illud spatium dierum non computandum esse iusserunt. Probat hoc Mandatum Elect. d. II. April. 1607. quo septiduum Saxonicum definitum fuit, verb. *Sieben Tage, feriatos aber nicht mit einge rechnet*, Dn. C. O. MYLIVS *de Iure septidui, et septiduo Proc. Sax. Cap. III. §. 12.* quae temporis utilis expressio licet in nouissima Lege Iudiciaria, per quam Iudiciis inferioribus Ius septidui, et patronis caussarum eius aequa lance diuifum spatium ad conclusionem alternis positionibus perficiendam, indulgetur, ad *Tit. III. §. III.* repetitum non fit, eadem tamen voluntas *§. III. ad Tit. XXIX. d. Ord. Sax recogn.* apparet, et ad relationem humillimam Praefecti Bornensis Rescripto Regio d. d. I. Oct. MDCCXXVII.

## X

declarata fuit verbis: *Wochten es dir, nebst dem daß die Sonn- und Fest-Tage unter das gewöhnliche septiduum nicht zu rechnen sind, zur resolution nicht bergen.* Cui accedit spatium Creditoribus in Concursu ad deducendum Ius crediti et prioritatis ad Tit. XLI. §. III. d. Ord. Proc. concessum, ex arbitrio quidem Iudicis ordinandum, sed habita ratione dierum feriatorum. Iuris vero Saxonici communis dispositionem docet. *Land-Recht L. I. art. X. L. II. art. LXVI.* verbis: „Omnes etiam dies feriales ac ligati ad pacem omnibus hominibus sunt constituti.“ Quae rationes haud dubie mouerunt *IVRE CONSULTOS Academiae VITENBERGENSIS*, qui superiori anno Actorem, articulos probatorios non ultimo die Termini Saxonici, qui erat dominicus, sed proximo die Lunae iuridico, horis antemeridianis Iudici tradentem, reo licet contradicente, negligentem non fuisse pronunciarunt per sententiam in causa C. G. K. contra M. T. S. ad senatum Ciuitatis Budissin. hoc modo conceptam:

„*Da weil der letzte Tag der Beweisfrist auf einen Sonntag, an welchen die Gerichte geschlossen sind, und copia Iudicis nicht zu haben ist, gefallen, So hat Kläger, nachdem er den Tag darauf den Beweis übergeben, sich daran nicht versäumer, sondern es wird ein anderweiter Termin zu dessen Vollführung blüßig angesetzt.*

Verum

Verum enim vero an maioris ponderis sint argumenta, quæ contrariam sententiam cum probationis dispendio coniunctam firman, dispiciendum erit. Scilicet Tempus probationi lege aut sententia definitum, quod nemo inficias ibit, continuum est, in quo continui dies et singuli sine interruptione, nullo excepto, currunt de momento in momentum, vt per ferias interuenientes cursus haud impediatur *L. 3. C. de dilationibus. CONSTIT. ELECT. XII. Part. I. ad eamque CARPZOV. def. VIII. et MARTINI Not. 15. 17. ORD. PROC. SAX. Tit. XX. ibique GASP. ZIEGLERVS.* Peremptorius quoque est, vt cum ultimi diei momento expiret, nec eo elapso ulterius quid admittatur, *CARPZ Proc. Tit. XIII. art. 1. n. 80. sq.* adeoque Terminus hic Saxonicus in modum prescriptionis statutus effectum praeclusiuum operatur, in tantum, vt nec incontinenti mora semel commissa purgari queat, et in negotiis, vbi tempus pro forma est definitum, momenti etiam cura haberi, nec horae quidem punctum immutari debet, et non obseruata momentanea actum reddunt irritum. Ex quo porro fluit, quod post terminum hunc finitum Iudex neque ex officio, quod aiunt, neque ad preces eius, qui in obseruando fatali negligens fuit, aliud probationis tempus concedere, aut articulos probatoriales admittere valeat, sed termino legali semel elapso alteri ius est quæsitum, quod ipsi in-

## XII

uito non est auferendum *L. I. C. de Feriis*. Iam porro certum est, probaturo etiam die feriato de obseruando termino eiusque fine vigilandum esse, in quo legitimum etiam impedimentum, quod ex sanctitate dierum obiicitur, facile superabit. Sunt enim **Lege** et diuina et humana permittente causae et res, quae diebus feriatis, dominicis etiam, tractari possunt, nimirum illae, quarum disceptationes et actus necessitas postulat *C. 5. fin. X. de feriis L. 9. C. de feriis L. 9. C. de Episc. audient. L. 1. C. de feriis* et **BRUNNEM.** ad *b. l.* eaque omnia, quae cognitionem causae nullam desiderant, neque etiam sunt de solennitate processus, adeoque ob grauamen illatum prouocari, libellus tradi, citatio, insinuatio et relatio fieri potest diebus feriatis, quidni etiam probatio, eiusque exemplar formatum exhiberi, cum illa insinuatio et traditio vel ad manus vel ad aedes neque cognitionem, neque praesentiam ipsius Iudicis, multo minus locum Iudicii exposcat, ceu respondit **ORDO NOSTER** ad quaestionem **C. G. Gräfsen** Adu. Dresd. mens. Nou. MDCCXX. et ex concessione emendatae Legis Iudiciariae Sax. ad *Tit. II. §. 4. Ord. Proc.* Actuariis solis etiam in priuatis aedibus et locis, ubi extra Iudicium commorantur, scripta ad Iudicem directa, probationes, Leutationum et appellationum schedulas accipere et annotare potestas sit relicta, sola quoque oblatio articulo-

rum

rum cum copiis, absque mentione examinis testium, et Instrumentorum, sufficiat.

Hoc itaque modo solenne probationis tempus, vnicum coercendae contumaciae et promouendae causae remedium, stricte, sed absque vlllo negotio obseruari poterit, id quod forensis experientia loquitur. His propositis, quantum ad copiam Iudicis attinet, quaestiuncula nascitur de eo, si quando omnes illi, qui iudicium constituunt, cum apparitore etiam et domestica familia, per totum diem vltimum feriatum sint absentes, et ipsae aedes conclauatae, adeoque insinuatio fieri plane nequeat. Quae fortuita licet certa ratione ad factum Iudicis respiciant, tamen cum ob eius arbitrium absentiae die feriato, legitima excusatio praeterlapsi temporis legalis, speranda haud sit, aliud in ipso articulo capiendum erit consilium, Legibus Saxonice approbatum. Scilicet in casu, vbi iudex inferior, cui appellationis formula scripta est exhibenda, absens vel apostolos denegat, licentia prouocandi coram Notario et Testibus, specialiter ad recipiendam appellationem requisitis, *Constitutione Elect. XX. P. I.* generaliter conceditur, quod remedium *Res. Grau. de anno 1661. Tit. von Justicien-Sachen, §. 30.* sub certa forma confirmant, adeoque haud dubitauimus Leuterationis quoque schedulam, Notario in praesentia testium traditam ad saluanda formalia recte interpositam

## XIV

pronunciare ob absentiam aetuarii durante Decendio mense Sept. 1733. Quid autem prohibet, quo minus eodem fato absentis Iudicis existente, hoc ipsum, et tempus probationis exhibitae ad declinandam negligentiae et morae culpam, Instrumento Tabellionis, ad ius suum conseruandum, docere queat probaturus, eoque ipso fatum praeuenire, quam quidem coram Notario et testibus interpositam appellationem neque a *Curia suprema Prou. Lips.* tanquam a Iudice a quo, neque tanquam apud Iudicem ad quem admittendam esse monuerunt Iure Consulti Saxoniae alias saepius discordantes BERLICHIVS in *Concl. LV. n. 66. P. I.* et CARPZ, *Decis. CCXXXIX. n. 7. seq. et in Proc. Tit. XVIII. Art. III. n. 14. sequ.* de qua tamen obseruantia in casu, quo copia Iudicis non fuit, merito dubitamus. Quod reliquum est, cum homo forensis, qui causam clientis agit, temporis ad probandum concessi satis gnarus, vel saltem, ut in eius fine computando sollicitus sit, ei incumbat, in iustitio illo, quod sciens volensque expectauit, praesidium quaerere, culpam vero in Iudicem vertere iure vix poterit. Fortiora haec sunt argumenta, quibus expugnauit reus Collegium nostrum, ut nulla ratione habita temporis vltimi feriat probationem non admittendam esse verbis hoc modo conceptis diiudicauerit:

Obwohl Kläger den ihm auferlegten Beweis jx. fol. 27. b. Vol. II. sofort den Montag frühe über-

übergeben, und daher, weil der letzte Tag der Beweis-Frist auf einen Sonntag, an welchen die Gerichte geschlossen sind, und dergestalt copia iudicis so leicht nicht zu erlangen gewesen, gefallen, daß es bey einem dergestaltigen facto, so von seiner Culpa nicht hergerühret, nicht allein des Beweises, sondern so gar aller seiner Ansprüche nicht entsetzt werden können, in denen Gedanken stehet, in mehreren Betracht der Sonntag nach Göttl. und Menschlichen Rechten ein Ruhe-Tag ist, und von allen irdischen, und weltlichen Geschäften ausgenommen, auch

L. II. III. VII. und XI. C. de feriis.

an selbigen keine streitige Rechts-Sachen expediret werden sollen, und

LandR. L. II. ad Tit. X. und LXVI.

ibique gloss.

unter die so genandten gebundenen Tage gerechnet wird, diesem nach, daß alle, in den Terminum probatorium einfallende Sonn, und Feyertage von der Beweis-Frist abzuziehen, oder doch wenigstens, wenn der letzte Tag der Frist auf einen Sonntag fiele, die expedition in dergl. actu contentiosae Iurisdictionis auf den folgenden Tag, wie etwa bey andern aus Irrthum ergangenen Citationen zu geschehen pfleget, reserviret und a termino peremptorio ad continuum nicht gefolgert werden könne, es das Ansehen gewinnt.

Dennoch

## XVI

Dennoch aber und dieweil den 30. Aug. des 1745. Jahres, als der Beweis fol. 27. praesentiret worden, die Frist zu der nachgelassenen probation bereits Tages vorher verstrichen gewesen, und mithin Befl. des, ex culpa actoris erlangten Rechts durch eine, wieder die Geseze laufende Deutung nicht entsezt werden mögen, vielmehr der Terminus probatorius nicht allein peremptorius, sondern auch *ut nullis feriis, siue solennes siue repentinae fuerint, interruptatur, et a momento in momentum currat, ut ne horae quidem momentum immutari possit*

Carpzou. P. I. Const. XVI. def. 8.

pro continuo allerdings zu halten, dabey auch der Vorwand, daß Copia iudicis an solchen Tagen nicht zu erlangen gewesen, ungegründet, inmaßen, wenn auch die Gerichts-Stube am Sontag nicht geöffnet wird, der ablauffende Beweis iedoch dem Richter in seinem Hause, das Facale zu beobachten übergeben werden können, und wenn schon Actus iudiciales iurisdictionis contentiosae, an Sonn- und Feiertagen cessiren, solches iedoch nur von denenjenigen, wo eine gerichtliche expedition erfordert wird, anzunehmen, und daher von Abwartung der Termine, und andern Vornehmungen, so in iudicio geschehen, auf die Überreichung des, zu Ende laufenden Beweises nicht zu folgern, vielmehr wenn *periculum in mora* vorhanden, auch dies *feriati* dar-



zu angewendet werden können, und ebener maßen, wie bey Einwendung der Appellationen oder anderer remedium suspensiuorum das Fatale continuum zu beobachten etc.

Et hoc quidem Iure utimur. At vero malum est, quis negat, praeiudicalem quaestionem de contumacia vera pronuncianda liti principali moram iniicere, imo eius iactura alterius culpam expiari, a quo iam diu purgandum fuisset iustitiae sacerdotium. Sed Tricas has forenses et scopas dissolutas, ut in proverbio est, in ordinem cogere, aut tollere eorum sit cura, qui circa forenses causas ad beatitudinem Reipublicae bene ordinandas legislatoriam applicant prudentiam, eorum quoque diiudicationi relinquenda est iustitia illius legis singularis, quae in ciuitate Vratislauenſi eiusque iudicio aduocatae circa fatalia obtinet. Ibi enim lapsus eorum pretio redimi potest, quo interueniente idem ad probationem admittitur, qui terminum probatorium praeterlabi passus est, et hoc iudicatum fuisse refert STRYCK in *Diff. de Iure singulari Vratislauenſi in processu* Cap. III. §. 5. Haec de Fatalibus terminis sufficiant. Nunc instituti ratio habenda, et, quod chartae adhuc superest, natalibus studiisque

CHRISTIANI LVDOVICI STIEGLITZII  
LIPSIENSIS

exponendis tribuendum erit, qui natus est in hac ipsa vrbe anno huius seculi vigesimo quarto, Mense Februario.

## XVIII

bruario. Parente Illustri atque Magnifico, CHRISTIANO LUDOVICO STIEGLITZ, Potentissimi Poloniarum Regis et Saxoniae Principis Electoris a Consiliis rei militaris intimis et Prouocationum, Urbis Lipsiensis Consule, cui gaudium, quod ex honoribus Filii Doctissimi amantissimique cepit, impense gratulamur, Matre vero ERDMVTHA SOPHIA gentis DOERINGIANAE, omnibus sexus sui virtutibus plurimum exornata. Prima literarum elementa a *Kriegelio*, Scholae, quae a Thoma Apostolo nomen gerit, nunc Collega Tertio, accepit, mox in disciplinam Rectoris eiusdem Scholae *Ernesti*, traditus, cui, quicquid in literis elegantioribus, profecit, se debere laeto gratoque animo profitetur, eiusque doctrina etiam si per omne iuuentutis tempus vsus fuerit, tamen praeter eum primae aetatis magistros habuit *Poetzingerum*, Mathes. Prof. Erlang. *Leisnerum*, Rectorem Cizensem, et *Waltherum* Professore Histor. et Eloqu. Leucopetr. In numerum Ciuium academicorum magistratum gerente *Walthero*, Facult. Med. Decano, est relatus anno MDCCCXXXVII. sed triennio demum elapso in disciplinam Academicam sese contulit, et in literis quidem, quae ab humanitate nomen habent, omnibus partibus Philosophiae, antiquitatibus Romanis, Mathesi, et differendi scribendique arte *Ernesto*, *Christio*, *B. Hausenio*, *Wincklero*, *Baermanno*, et *B. Hailbronnero* magistris profecit. In Historia literaria, Statuum Europae, et Imperii Rom. Germ. a *Mascouio*, *Feustelio*, *Ioechoero*, atque *Schumanno* institutus

stitutus fuit. Ius Naturae *Parens Optimus* ad Cocceianas Iuris Nat. et Gentium positiones ipsi tradidit. Ius autem Ciuile et caufarum in foro agendarum rationem a *Bauero*, *Rittero*, nunc Professore Vitembergenfi, *Mafcouio*, *Falcknero*, *Menckenio* et *Richtero* accepit. Ius Feudale ipsum *Bauerus* docuit, a *Mullero* autem Iuris Canonici doctrinam didicit. Ius denique Publicum I. R. G. *Schumanno* interprete cognouit. Sed in ea Iuris parte, quae Inftitutorum Digestorumque cognitione tenetur, plurimum profuit *Wiefenbaferi*, I. V. Cand. fodalitium, et affidui, fuper praecipuis Iuris Ciuilis locis, fermones. In publicum proferre qualemcunque doctrinae facultatem coepit fuperiori anno in Cathedra Philofophorum Praefide *Ernefto: de fide hiftorica recte aestimanda*. Mox in nostro Auditorio Praefide *Bauero: de forma ac definitione communis Saxonum manus*, differtatione defendenda. Eodem anno ad altiora nitens, lectionibus Iuridicis publice habitis Iuris Baccalaureus fuit renuntiatus, et facultate docendi conceffa per femeftre tempus Ius feudale interpretatus eft, Differtationibus quoque priuatis ad exercendam ftudiofam Iuuentutem institutis. Poft haec praelectionibus publicis, quas pro licentia et pro gradu vocamus, abfolutis, praecuo Examine rigorofo et Differtatione Inaugurali *de Iuribus et Actionibus feudi titulo conceffis*, abfque Praefide die XIII. Iulii huius anni defenfa, illis omnibus, quae a Doctöribus, ad Ius Ordinis noftri quoad feffionem adfpirantibus praeftanda funt, fimul-

## XX

que expectationi nostrae egregie satisfecit. Iam ab Ordine Nostro, vt honores in Iure summi absque solenni, qui alias in creandis Doctōribus in collegium nostrum cooptandis, adhibetur, inauguratione, conferamus modeste rogauit. Qua in re ipsius commodum et praemia, superatis ab ipso omnibus praestandis, in longius tempus remorari noluimus, et grauibz de causis ex hac ipsa die Diplomate solenni, et publico Facultatis sigillo munito Iuris vtriusque Doctōris gradum et priuilegia ipsi largimur, simulque illis, inter nostros, Doctōribus, qui suo loco et ordine aliquando inter eos, qui de Iure respondent, admittuntur, adscribendum curauimus, quae res vt Ordini et nostro, et reipublicae vtrique bene et feliciter cedat, precamur. Dab. Lipsiae d. XXVIII. Iulii MDCCXLVII.

